



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 13. An sit mortale unicum Missam omittere, quam quis promisit vel pro qua accepit parvum stipendium.

urn:nbn:de:hbz:466:1-42624

Q. 13. *An sit mortale unicam Missam omittere, 154.*
quam quis promisit, vel pro qua accepit parvum sti-
pendium, v. g. quatuor blaffardos. &c. De Missa,
quam quis promisit, dixi l. 3. p. 2. n. 775. non esse
mortale, ubi addidi, si quis seorsim tribus Mis-
sam promiserit, non satisfacere legendo uni-
cam, sed teneri pro singulis unam legere. Quod
attinet ad Missam debitam pro stipendio, Fa-
gund. Pelliz. Herinx, Gob. n. 489. Sporer n. 353.
negant esse mortale unicam negligere, quia sti-
pendium illud non est materia requisita ad
mortale, ex illa autem videtur debere colligi
magnitudo peccati. E contra affirmant com-
muniùs & probabiliùs alii, quia quamvis sti-
pendium non sit materia tanta, valor tamen
Missæ, quâ privatur alter, est maximus, neque
stipendium habet se ut pretium æquale Missæ,
nam Missa est intrinsecè invendibilis & infiniti
valoris, sed Sacerdos, Ecclesiâ indulgente, pecu-
niam acceptans veluti stipendium pro susten-
tatione vitæ, absolutè se obligat ad opus hoc
maximè utile præstandum illi, qui stipendium
dedit. Ita Aversa q. 11. l. 18. Steph. n. 72.

Q. 14. *Quisnam censeatur diu differre Missam, 155.*
ad quam obligatur, ideoque peccare mortaliter. &c.
Led. Villal. Dian. Lugo De Euch. d. 21. n. 34. di-
cunt, eum non diu differre, qui non ultra 50.
aut 60. dies, qui autem ulteriùs, dicunt differre
diu: Pasq. q. 965. dicit vix plùs concedi à quo-
quam, quàm tres menses. Si autem ultra termi-
num concessum adderentur duo vel tres dies,
dicit adhuc meraliter pertinere ad hunc termi-
num: sed Gob. n. 597. Steph. n. 69. Sporer n. 354.
rectè dicunt attendendum esse ad circumstan-
tias, præsertim causæ, ob quam Missa petitur,
nam